



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Labour, Social Policy, Displaced  
Persons and Refugees**

Broj: 13-02/01-05-43190-48/19  
Sarajevo, 25.02.2020. godine

**SKUPŠTINA KANTONA SARAJEVO**  
**Služba za skupštinske poslove**

- O v d j e -

**KANTON SARAJEVO**  
**Stručna služba Vlade**  
- O v d j e -

Zastupnik Vibor Handžić je na 16. Radnoj sjednici Skupštine Kantona Sarajevo, održanoj dana, 11.12.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio slijedeće zastupničko pitanje:

“Molim vas da mi dostavite informaciju u kojoj je fazi izrada jedinstvenog registra djece sa poteškoćama u razvoju i invaliditetom?”

**ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnika Vibora Handžića, a koje je sa pažnjom razmotreno u okviru ovoga ministarstva i na koje dajemo slijedeći odgovor:

Zakonom o osnovama socijalne zaštite, zaštite civilnih žrtava rata i zaštite porodice sa djecom (“Službene novine Federacije BiH”, br. 36/99, 54/04, 39/06, 14/09, 45/16 i 40/18) (u daljem tekstu: Federalni zakon) propisana su osnovna prava koja mogu ostvariti osobe i djeca sa invaliditetom. Federalnim zakonom je propisano da o slijedećim pravima osoba i djece sa invaliditetom: lična invalidnina, dodatak za njegu i pomoć od drugog lica i ortopedski dodatak u prvom stepenu rješava centar za socijalni rad ili općinska služba kojoj su povjereni poslovi socijalne zaštite prema mjestu prebivališta ili boravišta podnosioca zahtjeva, a o žalbama protiv rješenja donesenih u prvom stepenu rješava Federalno ministarstvo rada i socijalne politike. Navedena prava mogu ostvariti osobe i djeca sa invaliditetom sa utvrđenim 100% i 90% oštećenjem organizma, a isplate, prema Federalnom zakonu, za osobe sa invaliditetom vrši navedeno federalno ministarstvo po službenoj dužnosti, dok se sredstva za ostvarivanje gore navedenih prava osoba sa invaliditetom osiguravaju u budžetu Federacije Bosne i Hercegovine.



Osim navedenog, osobe i djeca sa invaliditetom putem nadležnih službi Kantonalnog centra ostvaruju prava iz oblasti socijalne zaštite shodno Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14-Prečišćeni tekst, 38/16, 44/17 i 28/18), (u daljem tekstu: Kantonalni zakon).

Kantonalni centar u skladu sa Uputstvom o vođenju evidencije o korisnicima i pruženim uslugama u javnim ustanovama ("Službene novine Kantona Sarajevo" broj 34/05) vodi evidenciju, između ostalog, i o osobama i djeci sa invaliditetom koji su ostvarili neko od navedenih prava po osnovu invalidnosti odnosno oštećenja organizma. Što se tiče konkretno djece, Kantonalni centar raspolaže podacima o vrsti invaliditeta, stepenu invaliditeta, dobi i spolu djece koja su ostvarila prava.

Nadalje, Stručna komisija za ocjenjivanje sposobnosti i razvrstavanje djece i omladine ometene u psihofizičkom razvoju u skladu sa Kantonalnim zakonom i Pravilnikom o utvrđivanju preostale sposobnosti i razvrstavanju djece i omladine ometene u psiho-fizičkom razvoju ("Službene novine Kantona Sarajevo" br. 26/08, 05/12, 04/15 i 04/18), između ostalog, utvrđuje preostale sposobnosti i razvrstava djecu i omladinu ometenu u psihofizičkom razvoju. U skladu sa predmetnim pravilnikom o djeci i omladini koji su razvrstani u skladu sa istim, evidenciju vodi služba socijalne zaštite prema prebivalištu osobe/djeteta koje je razvrstano, a svi podaci o djetetu sa nalazom i mišljenjem se unose u matičnu knjigu i službe donose rješenja o ocjeni sposobnosti i razvrstavanju. Međutim, predmetni podaci se ne objavljuju javno jer se radi o ličnim podacima, a imajući u vidu Zakon o zaštiti ličnih podataka ("Službeni glasnik Bosne i Hercegovine" br. 49/06, 76/11 i 89/11).

Smatramo da sveobuhvatne i relevantne podatke o djeci sa poteškoćama u razvoju i sa invaliditetom može eventualno imati nadležni sektor zdravstva koji problem u razvoju djeteta i invaliditet može detektovati po rođenju djeteta ili ga ustanoviti nešto kasnije, i to za svu djecu koja imaju određenu poteškoću neovisno o stepenu invaliditeta i bez obzira na prava ili usluge koja ostvaruju, a kao što je to slučaj u sektoru socijalne zaštite. Imajući u vidu navedeno, smatramo potrebnim sistem razraditi na način ostvarivanja saradnje sa Ministarstvom zdravstva Kantona Sarajevo sa ciljem uspostavljanja rane detekcije i rane intervencije kod djece sa poteškoćama u razvoju.

Na ovakav način bi se djeca pravovremeno i adekvatno tretirala kroz sistem zdravstvene zaštite, te eventualno ostvarivala druge propisane vidove zaštite, a kroz sistem bi se imala evidencija sve djece kod kojih je detektovana određena poteškoća ili invaliditet, što bi omogućilo kreiranje adekvatnih politika zaštite ove djece i njihovih porodica.

Također, značajnim smatramo istaći činjenicu da Ministarstvo za rad, socijalnu politiku, raseljena lica i izbjeglice, kroz uspostavljen jedinstveni registar, ima pregled svih korisnika prava koja ostvaruju kao osobe sa invaliditetom u Kantonu Sarajevo, gdje su uključena i malodobna lica.

Iz svega navedenog je vidljivo da Ministarstvo za rad, socijalnu politiku, raseljena lica i izbjeglice Kantona Sarajevo, odnosno Kantonalni centar, shodno važećim zakonskim i podzakonskim aktima, vodi evidencije o osobama i djeci sa invaliditetom koji su ostvarili neko od prava po osnovu invalidnosti, ali da Ministarstvo nema uspostavljen jedinstveni registar djece sa poteškoćama u razvoju i sa invaliditetom.

Međutim, imajući u vidu činjenicu da su djeca sa poteškoćama u razvoju i djeca sa invaliditetom izuzetno osjetljiva kategorija stanovništva, ovo ministarstvo je uvijek spremno, da se u okviru svoje nadležnosti, dodatno uključi u multiresorne aktivnosti na potpunijem sistemskom uređenju njihove zaštite, a



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



što se u konkretnom slučaju odnosi na uspostavljanje jedinstvenog registra djece sa poteškoćama u razvoju i djece sa invaliditetom.

S poštovanjem,

Pripremila: Smaragda Lučkin, stručni savjetnik

Kontrolisale: Cica Pljevljak, šef Odjeljenja

Slavica Gorančić, pomoćnik ministra *u skladu s*

Sekretarka Ministarstva: Belma Trajkov

Dostavljeno:

1. Naslovu,
2. ministru,
3. a/a.



MINISTAR

Malik Garibija



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1



Quality management system  
ISO 9001  
• Customer focus  
• Customer satisfaction  
• Continuous improvement  
• System/process effectiveness  
ID 15 100 63686  
[www.tuv.com](http://www.tuv.com)